



10 M. DC. XVII.

de la nouveauté en Holande & ez Prouvinces
vnies, puis qu'il s'en trouuoit dès à quelques-
vns qui commençoient de soustenir, Qu'il n'e-
stoit permis aux Estats d'vs er de leur puissance dans les
bourgs & villages, la nécessité le requerant ainsi.

Que mesmes certaines personnes, tant par
escrit que de viue voix, & en leurs Presches,
osoient bien forclorre les Magistrats du iuge-
ment des controueres Ecclesiastiques, & de
l'selection des Ministres de l'Eglise; usurper la
discipline Ecclesiastique au desceu du Magi-
strat: le bannir luy-mesme des assemblées de
l'Eglise; & se liguer pour en chasser pareille-
ment ceux, lesquels (si l'on excepte quelques
poincts de doctrine) gardent & admettent la
Reformation Ecclesiastique, bien qu'en ceste
reformation susdite il ait esté ordonné de n'ad-
mettre aucun au ministere de l'Eglise, que les
Ministres n'eussent faict auparauant vne exa-
cte recherche de sa vie & de sa doctrine, lais-
sant au peuple vn iugement libre de le receuoir
ou non, & au Magistrat la permission de l'ap-
prouver, si bon luy sembloit.

Response au
2 poinct touz
chârtes, 5 art.
de la prede-
stination.

Que touchant l'obseruation des cinq prece-
dents articles sur la Predestination, & si les Mi-
nistres deuoient enseigner suivant le contenu
d'iceux, Tout le monde sçauoit, que non seule-
ment en Holande & en Vest-Frise, depuis l'esta-
blissemēt de la Religion reformee, ceste doctri-
ne auoit esté en usage parmy les Reformez, ains
encore receuē de long temps en l'Academie
de Leyden, & en plusieurs Eglises des Estats,

















